

Qaasuitsup Kommuniiani eqalunniarneq pillugu ileqqoreqqusaq

Eqalunniarneq pillugu Namminersornerullutik Oqartussat nalunaarutaat nr. 20, 25. august 2005-imeersumi § 9, imm. 2 aamma 5, § 10 taavalu § 13 naapertorlugit aalajangersarneqarput:

Eqaloqarfiit eqqissisimatitaasut

§ 1. Ulloq 08/06-2011 aallarnerfigalugu, ukiuni tallimani tulluuttuni eqalunniarnermi eqaloqarfiit makku eqqissisimatitaassapput:

Upernaviup ingerlatsiveqarfia

1) Amitsoq. 71°48 N. - 55°23 W

Qeqertarsuup ingerlatsiveqarfia

2) Kuannersuit 69°57 N. - 53°36 W.

§ 2. Eqaloqarfinni eqqissisimatitani, takuuk § 1, qissattaammik aalisaammilluunniit eqalunniartoqarsinnaavoq.

§ 3. Saputit eqalunniutigineqaqqusaanngillat.

Qassusersornermi malittarisassat

§ 4. Qassutit atorlugit eqalunniartoqarsinnaavoq taamaallaat juunip ulluisa 15-ianiit - aggustip ulluisa 31-at ilanngullugu.

Imm. 2. Qassusersorfinni umiatsiaaqqanik motorilinnik pisariaqanngitsumik angalanerit inerteqqutaapput.

Imm. 3. Eqalunniarfiit eqqaanni eqqagassat imaanut kuunnulluunniit iginneqaqqusaanngillat, nunamut assanneqassapput immap tikissinnaanngisaanut, ikuallanneqassapput imaluunniit angerlalermermi nassatarineqassapput.

Pineqaatissiinerit

§ 5. § 1-ip, § 2-p, § 3-p taavalu § 4-p unioqqutinnerini akiligassiisoqassaaq.


Atulersitsineq

§ 6. Ileqqoreqqusaq una atuutilissaaq, nalunaarutigineqareernerata kingorna ullut 14-it qaangiuppata.

Imm. 2. Kommunimi ileqqoreqqusat ilanngullugit makku atorunnaarsinneqarput:

- a) Upernaviup Kommuniani eqalunniarneq pillugu kommunimi ileqqoreqqusaq 26/6-2002-meersoq
- b) Uummannap Kommuniani eqalunniarneq pillugu kommunimi ileqqoreqqusaq 18/6-1999-imeersoq
- c) Kangaatsiap Kommuniani eqalunniarneq pillugu kommunimi ileqqoreqqusaq 28/5-2000-imeersoq
- d) Qeqertarsuup Kommuniani eqalunniarneq pillugu kommunimi ileqqoreqqusaq 18/6-1999-imeersoq
- e) Ilulissani eqalunniarneq pillugu kommunimi ileqqoreqqusaq 2/10-2007-meersoq
- f) Qasigiannugit Kommuniani eqalunniarneq pillugu kommunimi ileqqoreqqusaq 7/7-2006-imeersoq

Qaasuitsup Kommuniani Kommunalbestyrelsip matumuuna akuersissutigaa, ulloq:
8.juni2011.



Jess Svane
Borgmesteri

Matumuuna Qaasuitsup Kommuniani eqalunniarnermut ileqqoreqqusaq qulaani taaneqartoq aalajangersarneqarpoq.

Kalaallit Nunaanni Namminersorlutik Oqartussat ulloq, 27/6-2011



Ane Hansen

Aalisarnermut, Piniarnermut Nunalerinermullu Naalakkersuisoq